

Date – 08/06/2025

Time - 7:30 Hrs

HEADLINES (MORNING)

1. Prime Minister Narendra Modi kaihhruai sorkar kum 11 chhunga hmalakna hrang hrang zinga mi - Khelo India State centre of Excellence (KISCE) chu Mizoramah pawh hlawhtling taka kalpui niin Mizoram Olympic Association hruaitute chuan an sawi.
2. Police constable hna ruak hrang hrang hnawhkhat tura hnalak result chu nimin khan a chhuak a, constable (unarmed) -ah mi 51, constable (armed)-ah mi 200 leh constable (mechanic)-ah mi 8, an vaiin mi 259 an tling thar.
3. May ni 24 atanga nimin thlenga fur ruahsurah khan Mizoram pumah lei min hmun 771-ah a awm niin state emergency operation centre (SEOC) chuan a chhinchhiah.
4. Prime Minister Narendra Modi chuan nimin khan African Union Conference on Disaster Resilient Infrastructure 2025 (CDRI) ah a tel ve chu lawmawm a tih thu a sawi.

<><><>

11 YEARS OF MODI GOVT

Prime Minister Narendra Modi kaihhruai sorkar kum 11 chhunga hmalakna hrang hrang zinga mi - Khelo India State centre of Excellence (KISCE) chu Mizoramah pawh hlawhtling taka kalpui niin Mizoram Olympic Association (MOA) hruaitute chuan an sawi.

Akashvani zawhna chhangin MOA Joint Secretary Joseph Thansanga chuan, Prime Minister Pu Narendra Modi sorkar hnuaiah Khelo India hian ram chungh infiammi ten hma an sawn theihna turin hma a la a, thingtlang kilkhawr ber thlenga an chhawr theihna tur in hmalak a ni a, a bul thut atanga a sang zawk an zir zel theihna turin hmalak a ni, a ti a. Naupang zingah theihna nei sang leh a timi bik zawn chhuah thin niin a sawi baw.

Mizoramah chuan coach leh infiammi ten an awmchilh theihna - Khelo India State centre of Excellence (KISCE) hi kum 2021 khan bul tan a ni a. Hripui leng (Covid-19) vangin a tir lamah harsatna a awm a, kum 2022 October thla atangin mumal zawka kalpui a ni. Mualpui, Aizawla Rajiv Gandhi Stadium-ah Boxing, Judo leh Weightlifting ten bul an tan a, heng infiamna huangah hian naupang 10 theuhin training an nei.

Aizawl khawpui bakah hian Mizoram chhunga district hrang hrangah Khelo India hi kalpui a ni a, sorkar laipui hmalakna hnuaiah hian - Football, Boxing, Badminton, Judo, Wrestling, Weightlifting, Taekwondo, Hockey, Archery leh Table Tennis ten training an nei thin a ni. Heng bakah hian hmeichhe tan bika training pawh buatsaih niin, heng bakah hian Fit India Movement pawh kalpui a ni.

<><><>

PENTECOST SUNDAY

Wawiin (Pathianni) hi Pentikos Ni a ni a. He Ni hi khawvel pumah Kristian te chuan urhsun takin an hman thin a. Mizorama kohhran hrang hrang te pawhin an hman dawn a ni.

Presbyterian Kohhran chuan Kohhran ni pawimawh a nih avangin special programme-in an hman dawn a, thupui inang tlang zir ho a ni ang. Chawhma Inkhawmah Thupui atan “Thlarau Thianglim – Sual Hriattirtu” tih an ngaithla ang a. Chawhnu inkhawm thupui atan “Thlarau thianglim – chhandamna kawnga hruaitu” tih niin zan inkhawm thupui chu “Thlarau thianglim - felna kawnga hruaitu” tih a ni thung ang.

Zan inkhawmah PCI General Assembly pualin tawngtai rual a ni ang a, zan inkhawm thawhlawm pawh PCI General Assembly pual tur a ni ang a, thawhlawm lakkhawm te hi Bial Treasurer kaltlangin Synod Office-ah thehluh tur a ni.

Salvation Army chuan chhunah Thianghlamna inkhawm leh zanah Chhandamna Inkhawmah an hmang ang a, thupui thlan sa “Thlarau thianghlam ringtu nunah” tih an ngaithla ang.

Pentikos hi Grik tawng a ni a, 'Sawmngana' tihna a ni a. Thuthlung Hlui-ah chuan Kalhlen Kut tiak ni atanga ni sawmnganaah an hmang thin a, Thuthlung Thar hunah erawh chuan Isua Thawhle tuk (Easter) atanga ni 50-naah hman a ni.

<><><>

POLICE RECRUITMENT

Police constable hna ruak hrang hrang hnawhkhat tura hnalak result chu nimin khan a chhuak a, constable (unarmed)-ah mi 51, constable (armed)-ah mi 200 leh constable (mechanic)-ah mi 8, an vaiin mi 259 an tling thar.

Mizoram Police hnuai constable hna diltu zingah hian constable (AB) mi 13,604, constable (UB) mi 14,054 leh constable (Mechanic) mi 86-in an dil a. Post hrang hrang-ah hian hauh bik awmin, hmeichhia za-a 33, Mizoram Home Guard za-a 10, sipai bang chhungte za-a 5, infiammi thei bikte za-a 5 leh hauh bik loh post 186 te a awm a ni. District hrang hrang leh state pawn atanga dilna lut zat hi mi 15,311 an ni.

He police lakna atana dilna thehluttu zawng zawngte hi an taksa len, rih leh san zawng bakah an theihnate endik vek a ni a. Hna diltu mi 15,311 atangin mi 10,899 an inlan a, diltu 8,037 te’n taksa len, rih leh san zawng bakah an theihna endik an paltlang vek a. Constable (mechanic) diltute tan an thiam leh thiam loh endikna hun siam a ni a, diltu 23 inlanin, mi 18 ten a taka thil khawih an paltlang bawk. Written exam Aizawl, Lunglei leh Khawzawl-a exam centre hrang hranga buatsaihah mi 7,475 an inlan a, mi 442 ten Personal Interview hmachhawn thei turin an paltlang a, heta tang hian mi 259 te chu tlinna puan an ni.

Tlinga puan tak te hian an hriselna dinhmun leh Police-in thubuai an siamsak tawh leh tawh loh endikna an paltlang a la ngai dawn a. Lakluh runpui chhung hian document lem hmang leh mi ai a lo inlan (inpersonation) te pawh man chhuah niin thubuai 4 ziahluh a ni a, thil dik lo dang chi hrang hranga inhnamhnawih mi sawm 10 man an ni tawh bawk.

<><><>

MONSOON

May ni 24 atanga nimin thlenga fur ruahsurah khan Mizoram pumah lei min hmun 771-ah a awm niin state emergency operation centre (SEOC) chuan a chhinchhiah.

Kumin furpui lo thlengah hian, puan tawh angin, mi 5-in nunna an chan phah a. Hmun 771-ah lei a min a, in chhia leh chim 272 a awm. In rauhsan zat hi 452 a awm a, he'ng zinga in 338 te hi leimin vanga rauhsan a ni a, in 114 chu tuilianin a chim avanga rauhsan a ni. Lei min, lei tawlh, chirh tawlh leh lung tla avangin hmun 321-ah kawng a ping a, kawngko lungrem hmun 61-ah a chim a, hmun 11-ah kawngko lung a tla nasa hle bawk. Hei bakah hian thing tlu hmun 8-ah chhinchhiah a ni a, electric ban tlu 10 leh lei tlahniam hmun 10-ah a awm bawk a ni. Hmun 3-ah thlanmual a chim a, saberekakhuangkaih hmun 5-ah a awm bawk a ni. Nimin Inrinni bikah leimin/lei tawlh hmun khatah a awm a, hmun khatah leimin avangin kawng a ping bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni. Naktuk zing dar 7 leh a chanve-ah Chanchinthar puan leh a ni ang.

<><><>

FRENCH OPEN

Tennis khel thiam Coco Gauff-i chuan Aryna Sabalenka hnehin a vawi khat nan French Open champion a ni. Nizan khan Paris khawpuiah French Open hmeichhe final hi khelhi niin, world number 2 Gauff hian world number 1 Sabalenka hi 7-6, 2-6, 4-6 a hnehin a champion a. Grand Slam title pahnih a lakna niin, kum 2023 khan US Open-ah a lo champion tawh bawk.

American nula Coco Gauff hi kum 21 mi chauh a la ni a, tleirawl a nih lai atangin hmeichhe tennis huangah chuan mi hriat hlawh tak ni tawhin hmabak pawh a nei eng hle.

French Open mipa final chu zanin dar 6:30 hian Paris-ah bawkhel a ni leh dawn a, world number 1 Jannik Sinner leh champion nomawi kawlmektu Carlos Alcaraz te an in hmachhawh leh dawn a ni.

<><><>

PM

Prime Minister Narendra Modi chuan nimiran African Union Conference on Disaster Resilient Infrastructure 2025 (CDRI) ah a tel ve chu lawmawm a tih thu a sawi. International Conference on Disaster Resilient Infrastructure 2025-ah video message hmangin thu a sawi a, Prime Minister chuan ramthangmekte'n sum leh pai an neih theih nan hmalak a tul thu a sawi a. Thliarkar tenau te chu tuipui ngaihpawimawh a tul thu a sawi bawkh a. Inbiakpawhna tha hlut zia te pawh a sawi a ni. Prime Minister Modi chuan France President Emmanuel Macron-a'n an thlawpa avangin lawmthu a sawi bawkh. He Conference hi a vawikhat nan France ramah neih a ni.

<><><>

PM SCHEMES

India ramhian kum sawm chhung zet chu Seva, Sushasan leh Garib Kalyan-te hmanga inthlak danglamna a awm a. Akashvani News hian kum 11 kalta chungang sector pawimawh hrang hranga Sawrkar hmalakna chungchang bik a rawnkeng tel a ni. Indian Farmers (loneitute) te empowerment chu ngaihpawimawh ber a ni.

"Kum sawm leh pakhat kalta chhung khan India rama agriculture-ah hmasawhna a awm nasa a, "Beej Se Bazaar Tak" vision-in a kaihruai a, chu chu "seed to market" tihna a ni. Agriculture lama sorkarin budget a pek zat chu a let nga velin a pung a, kum 2013-14-a cheng sing 2 sang 8 atangin nuai 1.37 ah a pung a ni. 2024-25 khan loneitute hnenah PM-KISAN kaltlangin nuai 3.7 chuang pek an ni tawh a. Loneitute thawh chhuah tih tam leh an dinhmun chawikan a hmanrua tunlai leh thar hman tir chu Sorkar chuan a ngaihpawimawh hle a ni. Tunah chuan India rama loneitu hi loneitu ang chauh ni lovin, ram hmasawhna thlentupawimawh tak an ni .

<><><>